

Dadus relata 21 Outubru 2020

SUMÁRIU

- MS ho apoiu tékniku no finanseiru hosi OMS no UNICEF hala'o enkontru advokasia kona-ba kobertura imunizasaun iha tinan 2020 iha munisípiu Liquiça. Maské hetan dezafiu barak tanba pandemia COVID-19, Liquiça konsege kobre boot liu 1% kompara ho tinan kotuk – 2019, halo tinan ne'e koberta hamutuk 70%. Númeru hirak ne'e fó sai ona iha avaliasaun dezempeñu ho prezensa hosi membru comunidade munisípiu Liquiça.
- MS ho apoiu hosi OMS no UNFPA Timor-Leste no Laboratório Nacionál da Saúde da RDTL hala'o treinamentu atualizasaun ba ekipa vijilánsia no kuarentena sob Pillar 3 Planu Estrategia ba Preparasaun no Responde COVID-19 nian. Tópiku kobre durante rodada atuál ba treinamentu ne'e mák violénsia bazeia ba jéneru no kódigu konduta preparadu no fahe hosi UNFPA. Pesoál saúde hamutuk 80 mak atende ona treinamentu durante loron 2 ne'e.
- St. John of God ho apoiu tékniku hosi hala'o treinamentu IPC loron 2 ba pontu fokál INS nian nain 10 ho tópiku sira mák Vizaun Jerál ba Limpeza IPC no Jestaun Mate-isin.
- MS, OMS, UNICEF no parseiru komemora Loron Mundiál ba Fase Liman – organiza konsertu movél iha Dili Laran – fatin hamutuk 10 – hodi promove importánsia hosi fase liman ba prevene moras barak, espesialmente durante pandemia COVID-19. Material IEC barak mós distribui ona ba membru comunidade sira durante para iha estasaun hirak ne'e.
- Depoísde hetan kazu malaria na'in-14, barak liu hosi Naktuka, RAEOA Oecusse, delegasaun nivél aas MS nian ne'ebé lidera hosi Vise Ministru Saúde nian halo vizita ba Oecusse. Ekipa ne'e hala'o advokásia intervensaun iha Naktuka. Tuir kedas ho identifikasaun ba fatin vetor moris ba no medidas atu garantia ba hakotu reproduasaun vetor nian. Bee lihun ne'ebé reserva iha comunidade ne'ebé uza hanesan sistéma irrigasaun identifika ona hanesan fatin vetor moris prinsipál. Ekipa ne'e hamoos ho intensivu iha fatin ne'e hodi garantia sei hakotu reproduasaun vetor.

SITUASAUN IHA NÚMERU

Totál no kazu (foun) iha Timor-Leste

**29 konfirmadu (foun 0)
0 mate**

(Bazeia ba dadus ne'ebé públika iha [Ministerio da Saúde](#))

Tuir pájina WHO Timor-Leste
[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha loron hitu nia laran


Globalmente

**40 118 333 konfirmadu (2 443 594)
1 114 749 mate (36 547)**

- Ministériu Saúde (MS) halo kolaborasaun ho OMS no UNICEF fornese feedback nesesáriu kontra problema, komentáriu no feedback levantadu hosi Divizaun Abastesimentu kona-ba previzaun imunizasaun iha Copenhagen ba 2021.
- UNICEF halo kolaborasaun ho OMS, Instituto Nasionál de Saúde (INS no MS hala'o enkontru akompañamentu ho Sentru Treinamentu SENAI hodi halo planu no organiza treinamentu kona-ba manutensaun no hadi'a ekipamentu korrente malirin ba ekipa tékniku MS nian hodi responde ba problema kona-ba ekipamentu korrente malirin.
- UNICEF reeve lista prioridade ba facilidade saúde ba mellora provizaun iha munisípiu Ermera, Covalima, Dili, Baucau no Manatuto.
- UNICEF ho OMS fo apoiu ba MS ba produz vídio mensajen apresentadu hosi Ministra Saúde, S.E. Dra. Odete Maria Freitas Belo, kona-ba Loron Mundiál ba Fase Liman, ne'ebé foka ba importánsia hosi fase liman no ijiene liman hanesan maneira ba prevene moras barak, inklui COVID-19.




Data notifikasaun kazu foun no kumulativu COVID-19 iha Timor-Leste
(21-Oct-2020 : kazu foun-0 kumulativus-29)




Teste Laboratoriu : COVID-19 Timor-Leste

(21-Oct-2020 : Kumulative figures)



Situasaun Nasional Kazu : COVID-19 Timor-Leste

(21-Oct-2020 : Kumulative figures)



OMS TIMOR-LESTE NIA OBJETIVU ESTRATÉJIU

- Hapara moras da'et hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba Prevensaun no Kontrole Infesaun (PKI) ne'ebé rigorozu tebes no hasa'e kapasidade ba PKI nian;
- Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;
- Halo sosialisasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Uza maskára bainhira distánsia fíziku la posível

Tanbasá? Bainhira ita iha fatin ne'ebé susar atu mantein distánsia fíziku metru ida ka liu tanba fatin kloot, importante tebes atu uza maskára atu hapara transmisaun COVID-19 nian.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Proteje ita nia an no sira ne'ebé ita hadomi hosi #COVID19:

- Takaibun no inus bainhira me'ar
- Labele ka'er matan, inus noibun
- Evita ba fatin públiku no limita tempu iha espasu ne'ebé taka metin
- Bainhira distansia fiziku la posivel, obrigatóriu ba ita atu uza maskára
- Mantein distansia metru ida ka liu hosi ema seluk
- Hamoos beibeik objetu no fatin sira ne'ebé ita kaer beibeik
- Izola an hosi ema bainhira sente moras no buka tratamentu, bainhira prezisa

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabesele ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájjina Facebook MS](#) nian fornese atualizasaun loloos kona-ba dezvoltimentu COVID-19 iha rai laran
 - OMS Timor-Leste liuhosi nia [Pájjina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-